



Broj: UP1-06-12-2-1-2/19
Sarajevo, 29.01.2019.g.

Priznati i zadovoljeni
Prezidencija *Ministarstva*

Na osnovu člana 61. Zakona u upravi BiH („Sl.glasnik BiH“ br. 32/02 i 102/09) te člana 14. stav (2) Zakona o slobodi pristupa informacijama u BiH („Službeni list BiH“ br. 28/00, 45/06, 102/09, 62/11 i 100/13), rješavajući po zahtjevu za pristup informacijama Renate Radić-Dragić, novinarkes Centra za istraživačko novinarstvo od 15.01.2019. godine, koordinator za reformu javne uprave pri Uredu predsjedavajućeg Vijeća ministara BiH, donosi

RJEŠENJE

Odobrava se zahtjev za pristup informacijama podnositeljici zahtjeva Renati Radić-Dragić.

Obrazloženje

Postupak za pristup informacijama pokrenut je po zahtjevu Renate Radić-Dragić, novinarkes Centra za istraživačko novinarstvo, koji je Ured koordinatora za reformu javne uprave zaprimio 15.01.2019. godine i zaveo pod brojem UP1-06-12-2-1-1/19.

Podnositeljica zahtjeva zatražila je informacije da li je Ured u godinama 2018., 2017. i 2016. isplaćivao novac za školovanje službenika, zaposlenika i rukovodica institucije? Ukoliko jeste, podnositeljica zahtjeva zatražila je ime i prezime osobe za čije je školovanje isplaćen novac, pozicija na kojoj je radio/radila u vrijeme isplate školarine i podaci o kakvom se obrazovanju radi (tečajevi, obuke, dodiplomski, posdiplomski, magistarski..)?

Također, zatraženi su i podaci, a ukoliko je isplaćena naknada za magistarski i/ili doktorski rad, o nazivu teme rada. Zahtjev se odnosi i na to da li je sa korisnikom naknade za školovanje potpisan neki ugovor o tome i ako jeste, da li sadrži klauzulu o nekom roku u kojem mora ostati u instituciji po okončanju školovanja te da li ta osoba još uvijek radi u instituciji i na kojoj poziciji.

Podnositeljica zahtjeva zatražila je i kopiju pravnog akta na osnovu kojeg je novac za školovanje isplaćen.

Postupajući u skladu sa članom 14. stav 2 tačka c) Zakona o slobodi pristupa informacijama BiH doneseno je Rješenje kao u dispozitivu, te se uz ovo Rješenja prilaže Informacija u vezi školovanja državnih službenika, namještenika i rukovodilaca.

Pouka o pravnom lijeku: Protiv ovog rješenja se može izjaviti žalba Žalbenom vijeću pri Vijeću ministara BiH u roku od 15 dana od dana dostavljanja Rješenja. U slučaju da podnositelj zahtjeva



nije zadovoljan postupanjem ovog organa u konkretnom slučaju, ima pravo obraćanja Ombudsmanu BiH u Sarajevu, ul. Grbavička br. 4, 71 000 Sarajevo.

Koordinator za reformu javne uprave
Dragan Čuzulan



Prilog:

- 1) Informacija u vezi školovanja državnih službenika, namještenika i rukovodilaca

Dostavljeno:

1. Imenovanoj (na adresu Gabriele Moreno Locatelli 11, Sarajevo i na email:renata@cin.ba)
2. a/a

Prilog 1. uz Rješenje br: UP1-06-12-2-1-2/19

Informacija vezi školovanja državnih službenika, namještenika i rukovodilaca

Ured koordinatora za reformu javne uprave u godinama 2018., 2017. i 2016. nije isplaćivao novac za školovanje službenika, zaposlenika i rukovodica institucije. Također, iz državnog budžeta, odnosno budžeta Ureda koordinatora za reformu javne uprave za period 2016.-2018. godina nije bilo isplata naknada za magistarski i/ili doktorski rad.